

ՆԱԽԱՏԵՍՎՈՂ ԳՈՐԾՈՒՆԵՈՒԹՅԱՆ ՀԱԿԻՃ ՆԿԱՐԱԳԻՐԸ

«Արևմտյան Կանի» ՍՊ Ընկերությունը ցանկանում է ՀՀ Արարատի մարզի Նորամարգ-Հրազդանի կոպճային ավազների երևակման սահմաններում 2022-2023թթ. ընթացքում կատարել երկրաբանական ուսումնասիրության աշխատանքներ:

Տարածքը մասնավոր սեփականություն հանդիսացող 2 հողակտոր է՝ 6.0հա և 2.5հա մակերեսներով, տեղադրված Հրազդան գետի ոլորապտույտ հատվածում՝ Նորամարգ և Հովտաշատ գյուղերի միջև: Առկա է հողատերերի համաձայնությունը:

Նախատեսվում է կոպճային ավազների երևակման մանրակրկիտ հետախուզում, հումքի որակական հատկությունների պարզաբանման և արդյունաբերական B կարգով պաշարների գնահատման և հաշվարկման նպատակով՝ ավազի և ավազակոպճային խառնուրդի հանքավայրերի պաշարների դասակարգման կիրառման հրահանգի պահանջների համաձայն (11.08.2021թ.):

Նախատեսվում է կոպճային ավազներն ուսումնասիրել որպես շինարարական հումք ըստ ԳՈՍՏ-8735-75 «Ավազ շինարարական աշխատանքների համար: Փորձարկումների մեթոդներ», ԳՈՍՏ-8736-2014 «Ավազ շինարարական աշխատանքների համար» Տեխնիկական պայմաններ և ԳՈՍՏ-10268-80 «Ծանր բետոն: Լցանյութերին ներկայացվող տեխնիկական պահանջներ»-ի ստանդարտների:

Երկրաբանական ուսումնասիրության աշխատանքների հիմնական տեսակները և մեթոդներն են.

- Տեղամասի 1:2000 մասշտաբի տոպոհանույթ, երկրաբանական հանույթ և երկրաբանական քարտեզի կազմում:
- Հետախուզահորերի անցում որոշակի հետախուզական ցանցով՝ մակաբացման ապարների ծավալի որոշման և եզրագծման նպատակով՝ էքսկավատորի միջոցով:
- Հորատման աշխատանքներ հաստվածքի հզորությունների որոշման և նմուշարկման նպատակով՝ հորատման հաստոցի միջոցով:

Բոլոր տիպի աշխատանքները իրականացվելու են բնապահպանական նորմերի խստիվ պահպանմամբ: Աշխատանքների ընթացքում ջրային ավազանի աղտոտում չի սպասվում: Հորատումն իրականացվելու է «չոր» եղանակով՝ առանց ջրի օգտագործման: